

Date – 25/09/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. State Tax Department hnuaia Quick Response Team chuan Mizorama dawr hrang hranga GST rate thar hmang lo mi 10 chuang manin a hrem nan pawisa an chawi tir.
2. Swachhata Hi Seva hmalakna kal mek hnuaia Faina Hapta leh Faina Hnatlang runpui chu vawiin khan Mizoram hmun hrang hrangah huaihawt a ni.
3. Child Welfare Committee chuan POCSO case-a a tuartu tleirawl boxer pathum Boxing tournament a tel phal loh chungchanga MIZBA insawifiahna a pawm lo tih a sawi.
4. Prime Minister Narendra Modia chuan vawiin khan Rajasthan-ah hmasawnna project cheng vaibelchhe nuai 1 sing 2 leh sang 2 hu a hawng.

<><><>

GST REFORMS

State Tax Department hnuaia Quick Response Team chuan Mizorama dawr hrang hranga GST rate thar hmang lo mi 10 chuang manin a hrem nan pawisa an chawi tir.

Tun thla ni 22 atanga sorkar laipuiin GST rate thar hmang tura a tih angin Akashvani Aizawl palai chuan Aizawl bazara dawrkai hrang hrang a tlawh kual zingah rate thar zawm lo an la awm nual a, heng mite hian an bungrua te chu GST rate tihdanglam hmaa an lak anih avanga a ngaia la hralh chhuak an nih thu an sawi a, hetihlai hian GST rate thar hman anih ruala an thil zawrh titlawm nghal vek an awm bawk a, TS Drug Store nghaktute chuan Thawhtanni-a ram pum huapa GST 2.0 a taka hman tan anih atang khan GST tihhniamna an damdawi zawrh chu strip 1-ah zaa 7-in a man an tihnam vek tih sawiin, paracetamol, pum damdawi, zunthlum leh BP sang damdawi bakah thin damdawi te chu a man an tihhniam zinga mipuiin an lei nasat zual tih an sawi bawk.

Byte: Damdawi dawr nghaktu Mami

Akashvani Aizawl zawhna chhangin State Tax Commissioner Pu HK Lalhawngliana chuan Quick Response Team dinin GST rate tih hniam hnua

sumdawng an thil zawrh la ti hniam ve lo mi 10 chuang an man tawh a, heng mite hrem nan pawisa an chawi tir nghal zel tih sawiin, nitin complain a la lut reng a, theih ang angin Quick Response Team ten an bawhzui nghal zel a, GST registration nei dawr te an thlurbing phawt a, GST registration nei lo mipui nghawng sumdawng lian dangte pawh an thur chhuak leh tan mek tih sawiin heng mite hi GST registration ti turin an nawr a, an ti duh lo a nih pawn Suo moto hmangin registration an tih tir a, tun dinhmunah Mizoram pumah GST registration nei sumdawng 9000 atang sing 1 vel bawr an awm tih a sawi bawk a ni.

Byte: State Tax Commissioner Pu HK Lalhawngliana

Tun thla tir khan State Tax Commissioner chuan thuchhuah siamin, sorkar laipui thupek anga tun thla September ni 22 atanga ram pumah GST rate thar hman hunah GST registration nei sumdawngte chu GST rate hniam takna bungrua te chu a man tihniam vek turin a hriattir a, a ti lote chu GST dan hnuaia Anti-Profiteering measure hmanga hrem theih an ni thu sawiin, mipuite chu rate hniam tura ngaih hniam lova zuar/hralh an hriat te chu Taxation Office hrang hrangah complain turin a chah a ni.



AIZAWL CRIME BRANCH

Kumin chhungin Aizawl Disrict, Crime Branch-ah thubuai 1,286 ziah luh a ni tawh a, chung zingah chuan inrawk (burglary) thubuai a tam ber.

Akashvani Aizawl zawhna chhangin, Aizawl Disrict, Crime Branch a thawkte chuan kumin January ni 1 atanga September ni 21 thleng khan thubuai 1, 286 an ziaik lut tawh a, thubuai kaihhnawiah hian mi 1, 379 man ni tawhin, chung zinga mi 939 te chu tualchhung mite an ni a, midang 428 chu state dang a mite niin, ram dang mi 12 an tel a, kumina thubuai ziahluh zingah hian inrawk thubuai tam berin, thubuai 510 ziah luh a ni tawh a ni.

Aizawl District, Crime Branch chhinchhiah danin, kum 2020 hnulamah kum 2022 kha Aizawl District-a thubuai ziahluh tam ber tum a ni a, thubuai 2684 ziahluh niin, mi 1586 man an ni a. Kum 2020, 2021, 2022 leh 2024-ah te chuan thubuai ziahluh zingah rukruk thubuai tam berin, kumin 2025 leh kum 2023-ah te inrawk thubuai ziahluh a tam ber thung a. Kum 2020 atanga kumin September ni 21 thleng khan thubuai hrang hrang vangin mi 8,162 man an ni tawh a, chung zinga mi 2,747 te chu tualchhung mite niin, state dang mi 629 leh ram dang mi 106 te an tel bawk a ni.



SWACHHATA HI SEVA

Swachhata Hi Seva hmalakna kal mek hnuaia Faina Hapta leh Faina Hnatlang runpui chu vawiin khan Mizoram hmun hrang hrangah huaihawt a ni.

Aizawl ah chuan tukin khan MINECO Open Gym tualah neih niin UD&PA Minister K.Sapdanga'n a hmanpui a, Faina Hnatlangpui hi October ni 2 Pu Mahatma Gandhi pianchampha thlenga neih tur niin "Ek Din, Ek Ghanta, Ek Saath" tia hming phuah a ni a, Minister Pu K. Sapdanga chuan veng, khawtlang, pawl, Zirna in te, kohhran leh sawrkar department anga Faina Hapta chhungin hma laho turin ngena a

siam a. Faina Hapta khuh hawnnaah hian HDFC Bank chuan CSR Fund kaltlangin khawlaia bawhlawh hip khawmna lirthei - Garbage Vacuum Truck chu UD&PA Minister hnenah an hlan nghal bawk a ni.

Pu K.Sapdanga chuan Faina chungchang chu inzirna tam hle tawh mahse Faina chu mitinin nunpui theuh a, Faina in min chenchilh a ngai tawh a ti a. Faina Hapta hman chhungin khua leh tui te chuan mahni awmna hmun theuhah phur takin faina kawngah hma lak theuh bakah Faina Hapta a liam hnu pawhin faina ngaih pawimawh chhonzawm zel a ngaih thu a sawi a ni.

Faina Hapta pual hian MLA leh Corporator te pawhin an bial chhungah hmalak an tum a. Hmalakna langsar zingah Aizawl West I bialtu MLA Pu TBC Lalvenchhunga chuan a bial chhungah Local leh Village Council te Faina Intihsiak a puang a. He intihsiaka tittha te hnenah Swacch Bharat Diwas kharna October 2 a neih hunah Lawmman pek a tum a ni.

Tukina Faina beihpui hawn zawhah hian Hnatlang runpui hawnna atan MINECO huam chhungah hmun 4-ah hnatlang neih nghal a ni a, District dangah pawh Faina beihpui hi hawn a ni bawk.

<><><>

RODENTS

Mizoram hmun hrang hranga Sazu puang chuan natna hrang hrang an pu darh thei a, a bik takin Mizoramah Rannung seh (Scrub typhus) natna a pu darh nasa tih finfiah a ni a, heng sazu thah tumtu te chu kut lawnga khawih lo tur leh thuamhnawa sazu hrik a kai lohna tura fimkhur turin Pachhunga University College-a Department of Zoology-in a chah.

PUC Department of Zoology-a Vector borne disease research laboratory chuan thuchhuah siamin, Mizoram hmun hrang hrangah Sazu puang leh buh eitu an tam thu te, tur hmanga hrai tuma hma lakna a awm thute chanchinthar lamah a lang a, hemi chungchanga Pachhunga University College a thawkte leh khawvel ram danga mi thiamte zir chiannaa tarlan a nih dan chuan Sazu-te hian natna hrang hrang an pu darh thin a, a bik takin Mizoramah Rannung seh (Scrub typhus) natna a pu darh nasa tih finfiah a ni tawh tih an sawi a. Mizoram buh eitu sazute tura hrai emaw, thang hmanga awk emaw, silai leh hmanraw dang hmanga suat tumtute chu kut lawnga khawih lo tur leh thuamhnawa sazu hrik a kai lohna tura fimkhur turin an chah bawk a ni.

<><><>

CWC

Child Welfare Committee (CWC)-in POCSO case-a a tuartu tleirawl boxer pathum Boxing tournament a tel phal loh chungchanga MIZBA insawifiahna a pawm lo tih a sawi.

CWC Aizawl District chuan vawiin khan thuchhuah siamin, Mizoram Boxing Association (MIZBA) buatsaih Mizoram State Sports Council (MSSC) Golden Jubilee 44th Mizoram State Boxing Championship, Lunglei a khelh mekah POCSO case-a a tuartu hmeichhe boxer te khelh ve an phallo nia puhna chungchang chhuichiang tur leh Boxing tournament kallai pawh ti tawp rih tura Mizoram State Sports Council Secretary an hriattir anga chak taka hma a la nghal chu lawmawm an

tih thu sawiin, hemi chungchanga MIZBA insawifiahna chu CWC chuan nimin tlai khan a dawng nghal a, hemi chungchâng hi CWC chuan ngun takin a ngaihtuah hnuah MIZBA insawifiahna hi pawm theih nia an hriat loh thu leh, an ãan chhan ber POCSO tuartute nihna humhim an duh vang nia an sawi pawh chhuanlam tling a an hriat loh thu a sawi a, POCSO tuartute tawrh nawn tir lehna leh en hranna bakah an dikna chanvo rahbehna ãha lo tak nia an hriat thu sawiin, MIZBA aiawhin an hruaitu pahnih chu CWC hmaah an inlan a, hemi chungchâng hi hrilhfiahin an zilhhau tawh hnuah MIZBA OB te kokim zawka CWC hmaa inlan leh turin an hriattir a, tun hnuah hetiang thil hi thleng nawn tawh lo se an duh thu an sawi bawk a ni.

Hetihlai hian CWC chuan Lungleia Boxing tournament kal lai mek chu Mizoram hmun hrang hrang atanga Boxer ãhahnem tak fuankhawm mek te an lainatawm avangin rilru hnual taka an awm loh nan tournament hi khelchhunzawm tir leh phawt turin MSSC chu an hriattir nghal tih a sawi bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

WORLD PHARMACISTS DAY 2025

Health Minister Pi Lalrinpuii’n vawiin khan Mizoram State Pharmacy Council buatsaihin World Pharmacists Day 2025 lawmna hun, Vanapa Hall-a buatsaih a hmanpui.

Health Minister chuan pharmacist-te pawimawhzia sawiin, ‘damdawi siam dan atanga mipuite hnena hralhchhuah dan thlenga thiamna bik nei an nih avangin an pawimawh hle a, Healthcare System chu an tellovin a kal theihloh a ti a. Damdawite chu anih dan tur ang taka vawn that an nih loh emaw, a ei hun leh ei dan dik takte inhrilh hriat a nih loh emaw chuan, a chakna leh hnathawh dante danglam theiin nunna hialin a tuar theih thu a sawi a, damdawi dawr reng reng chu, danin a phut angin damdawi lam thiam, Pharmacist dik takte ngeiin nghakin, an hun pumin damdawi dawr chu an vil vek tur a ni a ti.

Mipuite harsatna sukiang tura Sawrkar hmalaknate tarlangin Health Minister chuan Mizorama PHC, CHC zawng zawng leh District Hospital tinahte Pharmacist dah vek tura hmalak a nih thu a sawi bawk a. Mizorama Cancer tam lutuk chhan zir chianna nei tura hmalak tum a nih thu pawh sawiin Pharmacist-te an pawimawh hle dawn a ni a ti bawk.

<><><>

PM

Prime Minister Narendra Modia chuan vawiin khan Rajasthan-ah hmasawinna project cheng vaibelchhe nuai 1 sing 2 leh sang 2 hu a hawng. Banswara-a inkhawm buatsaihah PM Moda chuan tunhnaia GST siamthar chungchang sawiin nitin khawsak mamawhte a man a tlawm

tawh a ti a. Hei hian chhungkaw tin senso a ti tlem dawn a tia . Atmanirbhar Bharat chungchang sawilangin Pu Modia chuan mipuite chu tualchhung thilsiam chhuah lei tur leh ti lar zel turin a sawm a ni.

<><><>

MAOIST

Jharkhand-ah Maoist hel 10 sawrkar kutah an inpe. Vawiina hel inpe zingah hian hmeichhia pawh an tel a. West Singhbhum district-a Chaibasa ah State DGP Anurag Gupta hoin lawmluh an ni a. Thusawiin DGP Gupta chuan State Police te tana hlawhtlinna ropui tak anih thu sawiin State sawrkarin Naxal ten nunphung pangngai an zawh theih nana a policy hlawhtlinna a nih thu a sawi.

<><><>

IRAP MISSIE

India chuan vawiin khan Intermediate Range Agni-Prime Missile hlawhtling takin a enchhin. He missile hi km 2000 a thui kap thei tur niin tunlai thiamna changkang nena thuam a ni a. Rail based mobile launcher atanga kahchhuah theih niin hmanhmawh thilah pawh rang taka kah theih tura duan a ni.

<><><>

SEVA PARV

Mipui rawngbawl leh sawrkar inrelbawlna tha thupuia neiin Prime Minister Narendra Modia hnuaiah ramchhungah hmasawнна tam tak thlen mek a ni. Tun tum Seva Parv hunah chuan Modia sawrkarin ralthaum siamchhuah tihpun kawnga a hmalakna te tarlang ila. Pu Modia hian ralthuam siamchhuah lama intodelh hi a ngai pawimawh hle a. Operation Sindoor ah khan ramchhunga thilsiam Made in India that zia hmuh a ni a. PM Modia chaun tualchhung siamchhuah paiwmawh zia uar takin a sawi a. Kumtin ralthuam siamna atana sum hman tihpun zel a ni a. Kum 2014-15 a sum nen khaikhinin kum 2024-25 ah chuan a let thuma pungin cheng vaibelchhe nuai 1 sing 5 chuang dah a ni.

<><><>